



Na osnovu Odluke Fakulteta za kriminalistiku, kriminologiju i sigurnosne studije, broj 03-02-3431/14, i na osnovu Statuta Udruženja kriminalista, kriminologa i menadžera sigurnosti, Skupština Udruženja kriminalista, kriminologa i menadžera sigurnosti, donosi

P R A V I L N I K O R A D U

ALUMNI ASOCIJACIJE FAKULTETA ZA KRIMINALISTIKU, KRIMINOLOGIJU I SIGURNOSNE STUDIJE U SARAJEVU

I OPĆE ODREDBE

Član 1.

Alumni asocijacija Fakulteta za kriminalistiku, kriminologiju i sigurnosne studije Univerziteta u Sarajevu (U daljem tekstu Asocijacija) je dobrovoljno udruženje u koje se učlanjuju svi oni koji su diplomirali, magistrirali ili doktorirali na Fakultetu za kriminalistiku, kriminologiju i sigurnosne studije u Sarajevu, radi ostvarivanja trajne i uzajamne koristi i interesa utvrđenih ovim Pravilnikom.

Asocijacija djeluje u okviru Udruženja kriminalista, kriminologa i menadžera sigurnosti (U daljem tekstu Udruženje).

Član 2.

Ovim Pravilnikom reguliše se:

- opće odredbe, područje djelovanja
- naziv i sjedište Asocijacije, te oblik i sadržaj pečata
- predstavljanje i zastupanje Asocijacije
- javnost rada Asocijacije
- ciljevi i djelatnost Asocijacije
- članstvo, prava i obaveze članova
- upravljanje
- sredstva za rad Asocijacije
- prestanak rada Asocijacije
- prelazne i završne odredbe

II NAZIV I SJEDIŠTE ASOCIJACIJE

Član 3.

Naziv udruženja je: Alumni asocijacija Fakulteta za kriminalistiku, kriminologiju i sigurnosne studije u Sarajevu.

Naziv na engleskom jeziku glasi:

Alumni Association of the Faculty of Criminal Justice and Security Studies in Sarajevo

Sjedište Asocijacije je u Sarajevu, Fakultet za kriminalistiku, kriminologiju i sigurnosne studije u Sarajevu, Zmaja od Bosne broj 8.

Član 4.

Alumni asocijacija Fakulteta za kriminalistiku, kriminologiju i sigurnosne studije u Sarajevu je neprofitna, nevladina, nestranačka organizacija.

Alumni asocijacija Fakulteta za kriminalistiku, kriminologiju i sigurnosne studije u Sarajevu djeluje na području Bosne i Hercegovine.

III LOGO I PEČAT ASOCIJACIJE

Član 5.

Alumni asocijacija koristi pečat Udruženja.

Pečatom se ovjeravaju opći i drugi akti Alumni Asocijacije.

Alumni asocijacija imat će znak sljedećeg izgleda kao u *prilogu 1.* pravilnika

IV PREDSTAVLJANJE I ZASTUPANJE

Član 6.

Alumni asocijaciju Fakulteta za kriminalistiku, kriminologiju i sigurnosne studije u Sarajevu predstavlja i zastupa direktor, zamjenik direktora i član Udruženja – koordinator za Alumni asocijaciju.

V JAVNOST RADA ALUMNI ASOCIJACIJE FAKULTETA ZA KRIMINALISTIKU, KRIMINOLOGIJU I SIGURNOSNE STUDIJE

Član 7.

Rad Asocijacije je javan, a uređen je dokumentima Udruženja.

VI CILJEVI I DJELATNOST ASOCIJACIJE

Član 8.

Osnovni ciljevi postojanja i rada Alumni asocijacije Fakulteta za kriminalistiku, kriminologiju i sigurnosne studije u Sarajevu su:

- uspostavljanje i održavanje trajne veze između Fakulteta za kriminalistiku, kriminologiju i sigurnosne studije u Sarajevu i njegovih studenata nakon završetka fakulteta
- dati doprinos u unapređenju rada Fakulteta za kriminalistiku, kriminologiju i sigurnosne studije u Sarajevu kao obrazovne i naučnoistraživačke institucije u smislu posjedovanja adekvatnih i blagovremenih informacija koje mogu obezbjediti članovi Alumni asocijacije
- razvijanje saradnje Fakulteta za kriminalistiku, kriminologiju i sigurnosne studije u Sarajevu sa institucijama i kompanijama u kojima su angažovani bivši studenti
- motivacija i unapređenje članova Alumni asocijacije u kontekstu poticanja stručnih i naučno-istraživačkih aktivnosti
- učešće u međunarodnoj naučnoj i stručnoj razmjeni i uspostavljanje relacija sa Alumni asocijacijama iz regiona i šire
- afirmacija mjesta i uloge kriminalističke, kriminološke i sigurnosne struke u razvoju društva
- zaštita interesa kriminalističke, kriminološke i sigurnosne struke prema kodeksu i pravilima struke
- diseminacija znanja u širu javnost

Član 9.

Djelatnost Alumni asocijacije Fakulteta za kriminalistiku, kriminologiju i sigurnosne studije u Sarajevu je:

- svim članovima omogućiti registraciju brz i efikasan pristup informacijama i uspostavljanje međusobnih kontakata
- organizacija okruglih stolova, seminara i konferencija koje će tretirati aktuelna kriminalistička, kriminološka i sigurnosna pitanja

- organizaciju programa obuke i treninga (sportske i van-naučne sekcije) za članove Alumni asocijacije na principu kvantitativne metode koje im mogu olakšati i značajno unaprijediti kako rad tako i razvoj u okviru stručnih i naučno istraživačkih aktivnosti
- organizovanje susreta članova Alumni asocijacije sa studentima, kako bi im prenijeli svoje praktično znanje i iskustvo
- saradnja sa drugim Alumni asocijacijama i udruženjima iz zemlje i svijeta, vezanim za odnosne struke
- pružanje podrške članovima Alumni asocijacije da unapređuju poslovanje preduzeća i institucija u kojima rade, kroz obrazovne i istraživačke inicijative.
- formiranje alumni centra za praćenje karijere, kako bi članovi Alumni asocijacije imali, kroz međusobnu saradnju, pristup informacijama o mogućnosti daljeg usavršavanja i priliku za konkurisanje na pozicije koje bolje odgovaraju njihovim mogućnostima i kvalifikacijama
- osmišljavanje programa putovanja u smislu stručnih usavršavanja članova Alumni asocijacije
- obezbjeđenje posebnih privilegija u pogledu pristupa biblioteci, mogućnosti pretraživanja baza podataka (naučnih i istraživačkih informacija), online kataloge, bibliografije itd.

VII ČLANSTVO, PRAVA I OBAVEZE

Član 10.

Redovnim članom Alumni asocijacije Fakulteta za kriminalistiku, kriminologiju i sigurnosne studije mogu postati svi oni koji su diplomirali, magistrirali ili doktorirali na Fakulteta za kriminalistiku, kriminologiju i sigurnosne studije u Sarajevu.

Redovnim članom može se postati dobrovoljno potpisivanjem pristupnice i registracijom, čime se prihvataju ciljevi, prava i obaveze utvrđene Pravilnikom i odlukama Alumni asocijacije.

Odluku o primanju u redovno članstvo donosi Upravni odbor na bazi pristupnice, molbe ili pismenog zahtjeva osobe koja želi postati član.

Član 11.

Počasnim članom može postati fizičko lice koje je svojim radom i zalaganjem posebno doprinijelo razvoju i ugledu Alumni asocijacije Fakulteta za kriminalistiku, kriminologiju i sigurnosne studije u Sarajevu.

Odluku o proglašenju počasnog člana donosi Skupština Udruženja.

Član 12.

Član Asocijacije ima pravo:

- uživati pogodnosti ostvarene radom Alumni asocijacije
- davati prijedloge i mišljenja o radu Alumni asocijacije
- pokretati inicijative za rad Alumni asocijacije
- biti obaviješten o radu Alumni asocijacije i njenih tijela
- predlagati nove, počasne članove Alumni asocijacije

Član 13.

Član Asocijacije dužan je:

- ostvarivati ciljeve i zadatke Alumni asocijacije
- pridržavati se odredaba Pravilnika
- sprovoditi odluke i zaključke tijela Alumni asocijacije
- promovirati rad Alumni asocijacije

Član 14.

Alumni asocijacija Fakulteta za kriminalistiku, kriminologiju i sigurnosne studije može davati priznanja i pohvale svojim članovima, pojedincima i pravnim licima za naročitu aktivnost i poseban doprinos u radu Alumni asocijacije.

VIII ORGANIZACIJA ALUMNI ASOCIJACIJE – UPRAVLJANJE

Član 15.

Alumni asocijacija je tijelo u okviru Fakulteta za kriminalistiku, kriminologiju i sigurnosne studije u Sarajevu, koje vodi Udruženje kriminalista, kriminologa i menadžera sigurnosti

Ispred Udruženja kriminalista kriminologa i menadžera sigurnosti, Alumni asocijaciju vodi član Udruženja koji vrši funkciju koordinatora Asocijacije

IX KOORDINATOR ASOCIJACIJE

Član 16.

Skupština Udruženja bira koordinatora Alumni asocijacije za period od četiri godine. Ista osoba može se ponovo izabrati za koordinatora.

Član 17.

Koordinator predstavlja i zastupa Alumni asocijaciju, zajedno sa direktorom i zamjenikom direktora Udruženja.

Koordinator vodi brigu da rad Alumni asocijacije Fakulteta za kriminalistiku, kriminologiju i sigurnosne studije bude u skladu sa Pravilima Alumni asocijacije.

Koordinator Alumni asocijacije podnosi Skupštini Udruženja Izvještaj o radu Alumni asocijacije jednom godišnje.

Za svoj rad i provedbu odluka Udruženja, koordinator Alumni asocijacije odgovara Skupštini Udruženja.

X SREDSTVA ZA RAD ALUMNI ASOCIJACIJE FAKULTETA ZA KRIMINALISTIKU, KRIMINOLOGIJU I SIGURNOSNE STUDIJE U SARAJEVU

Član 18.

Rad Alumni asocijacije se finansira iz budžeta Udruženja.

Odluku o namjeni tih sredstava donosi Skupština Udruženja

Član 19.

Finansijsko i materijalno poslovanje Alumni asocijacije i Udruženja obavlja se u skladu sa zakonskim propisima, te se primjenjuju propisi koji se odnose na poslovanje neprofitnih organizacija, a na osnovu finansijskog plana koji skupština Udruženja donosi za svaku kalendarsku godinu.

Po završetku godine za koju je donesen finansijski plan sastavlja se završni račun.

XI PRESTANAK RADA ASOCIJACIJE

Član 20.

Alumni asocijacija prestaje sa radom na temelju odluka koje donosi Fakultet za kriminalistiku, kriminologiju i sigurnosne studije.

Skupština Udruženja kriminalista, kriminologa i menadžera sigurnosti donosi odluku o prestanku vođenja Alumni asocijacije.

XII DONOŠENJE PRAVILA I DRUGIH OPĆI AKATA ALUMNI ASOCIJACIJE

Član 21.

Pravila Alumni asocijacije donosi Skupština Udruženja u skladu sa Statutom.

XIII PRIJELAZNE I ZAVRŠNE ODREDBE

Član 22.

Ovaj Pravilnik stupa na snagu danom usvajanja.

Prilog 1. Logo Asocijacije

